

大同府志

T 3149/4372.83

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 7 1938

3

大同府志卷之四

大同府知府吳輔宏纂輯

山川

禹貢分州以山川定疆界山海經主於叙山而水歸詳

綴水經專於紀水而山頗寓列皆志地家之權輿也依

古以來陵谷代變名號各殊舉彼例此或離或合如恒

山為并州鎮道主恒久而曲陽飛石聚訟傳疑歷四千

餘載而始復唐虞之舊又况水之枯溢流壅今昔改觀

者乎爰考現今山川名目脉絡原委兼採載籍舊聞用

相印證其不知者闕焉並著於篇以為山川志

哈佛大學漢和
圖書館珍藏印

府境之山以桑乾河分南北北山自朔平府左雲縣北之
彌陀山逶迤東北行入大同界乃府城西北九十里拒
牆堡之北山也山東西袤百里北連邊外金史地理志
宣寧縣有彌陀山即此

由彌陀山之東折而南其在府治西北十五里者曰雷公
山高七里盤踞百二十里南連武周山上有雷公廟甚
古下有龍泉亭禱雨奇驗元宜君縣尹單鵠分省左司
都事姚拜延普華二碑在焉

武周山東距府治二十里高二里盤踞二十里北連雷公
山峪中有石窟寺後魏高宗時僧曇曜鑿山石壁開窟

五所鑿建佛像雕飾奇偉冠於一世顯祖高祖嘗幸焉
山下有金耿光祿塚武州之州水經注隋書地理志皆
作周魏土地記謂之武州塞口

雙化嶺東距府治三十里相傳二僧化此高十里盤踞百
餘里北連武周山東南連拖皮嶺南北二峯南峯尤高
嶺西有古寺蹟隸左雲界

由武周山迤邐西南其在大同懷仁山陰三縣界者其一
曰鳳山東北距府治四十里山一峯遞高八里盤踞三
十里西連土嶺南連口泉峪口泉水出焉東北注武周
川明嘉靖間大同遊擊焦澤從總兵周尙文戰彌陀鳳

風卽此以在府治西南隅亦稱坤雲山

七峯山在坤雲南五里許高八里盤踞三十餘里其陰隸

大同其陽隸懷仁山有七峯曰筆峯曰太史峯曰劍峯

曰鰲峯曰白雲峯曰摩天峯曰玉女峯七峯羅列摩天

峯最高其脊有青石盤旋至巔遠視似龍壁有玉龍洞

洞口風聲迅疾深杳莫測又有天橋東壁鑿石梯百級

援鐵組偃偻側足而度洞上巉巖聳出中建恒嶽行祠

風雨不侵又東三里有黃龍洞

禪房山東北距府治六十里高七里盤踞四十里西連懷

仁馬石嶺北連七峯山南之月窟嶺一峯壁立土人名

丈人峯上有磚浮圖佛寺胥遼建

懷仁縣西北十五里曰鷲毛口由里八莊河所導源也又

西北五里曰得勝山山脊崎嶇鑿梯級攀躋而上

陳家峪山東南距懷仁縣治二十里相傳宋將楊業兵敗

於此攷宋史潘美王侁陣於陳家谷口趣業進戰使人

登托邏臺望之在今朔州西南寧武山上是陳家谷必

附近朔州今懷仁西北之陳家峪距朔州西南境約二

百里有奇且是時遼復取寰州爲今馬邑縣業等自鴈

門帥師北行戰敗引還不當反越馬邑而北也又西北

五里有團山上有寺以上諸山俱在禪房山東南岡嶺

相接

由鷲毛口而南曰清涼山東距懷仁縣治十五里高二里許巔有甍浮圖數十里外可望見舊有利國鐵冶元西京爐冶之一也北壁有石礮土人云內有金鑽約三寸許觸之輒動取之不出石堂內有地鼓石擊之聲似鼓西有寒泉雖盛暑不敢飲下建文殊院錦屏山東距懷仁縣治二十里山峯聳翠若屏舊有磁窰鐵冶金史地理志懷仁有清涼山錦屏山卽此廬子山東北距懷仁縣治二十五里其下爲廬子口村舊亦有鐵冶

小峪山東北距懷仁縣治二十里小峪口水出焉東南注于桑乾河山頂有張萬戶洞其西南曰鴉鴿峪東北距縣治三十里又西南曰牙余山紅山峪上有捨身崖東北距縣治三十五里

大峪山東北距懷仁縣治五十里盤曲二里與左雲縣四峯山連接雙峯對峙林木森鬱上有鴟窠寺亦謂之鴟峪路徑差廣可行車南達鴈門西通紅羊峪蓋雲西代北要道也大峪河導源於此東流入桑乾

燕家山東北距懷仁縣治六十里上有燕家洞石鑄燕洞賓重修五字又西南十里曰金龍山山下有泉通馬邑

金龍池

金仙山東北距懷仁縣治五十里乃黃花嶺之北阜也上有金仙洞懸石如樓閣又南曰滴水崖石壁有孔曰滴水數壺可供一人

黃花嶺山脈自馬邑北洪濤山來南距山陰縣治西距應州治皆四十里東北距懷仁縣治六十里新莊河北來遶之桑乾河逕其南平坡長坂屈曲聯絡延袤五十餘里元大德四年發軍民九千餘屯田其地以濱河土沃故也古名曰黃瓜堆北魏穆帝六年嘗於故平城南百里灑水之陽黃瓜堆築新平城北齊天保六年柔然攻

肆州文宣自晉陽討之至恒州黃瓜堆水經注亦作黃瓜阜其後訛瓜爲花唐嗣聖四年朔州烽警詔總管黑

齒常之與戰黃花堆元和中沙陀朱邪執宜保神武川

之黃花堆是也金史地理志註應州金城縣有黃瓜堆

山陰有黃花嶺則誤以爲兩山矣史記趙武靈王十九

年之代北至無窮西至河登黃華之上正義曰黃華西

河側之山名卽今朔州西五十里之西華嶺不在府境

米家嶺在黃花嶺南大于口在嶺西俱隸山陰縣

由雷公山迤北而東曰方山南距府治五十里高三里盤

踞三十里一峯壁立巔有北魏諸陵俗傳神皇墓其左

如渾水北來逕之水經注如渾水流逕方嶺上有文明
 后陵陵之東北有高祖陵二陵之南有永固堂魏書太
 和元年於方山建思遠寺三年起文石室靈泉殿五年
 建永固石室舊志所謂方山宮遺址也明嘉靖十八年
 總督毛伯溫所築鎮邊鎮川宏賜鎮河鎮魯五堡分布
 山麓

少南曰神山唐書沙陀傳李克用引軍自神堆夜入雲州
 疑卽此今土人謂之孤山下有孤山村又南曰野孤嶺
 南距府治二十六里

方山之東曰紇真山西南距府治五十里高三里盤踞十
 五里南連採掠山北界邊牆隋書地理志雲內有紇真
 山猶言千里也山冬夏積雪一名紇干唐昭宗曰紇干
 山頭凍殺雀則其山峰峭峻高寒異常大非他山可比

大武山平無水十里許山高百餘丈十餘里曰

採掠山西南距府治四十里盤踞二百四十里東連陽高
 之雲門山西南連小白登山建採掠大王廟及採掠
 觀山多產藥草明代藩諸墓在焉按採掠山之名見於
 金史地理志北魏書謂之石會山明元帝大閱東郊講
 武以山陽侯奚斤元城侯元屈行左右丞相大獮於石
 會山是也又石勒時人張匄督賜姓石名會見晉書載

紀山之受名無可證實

小白登山俗名馬舖山西距府治七里高一里盤踞三十
 五里上有白登臺東北連採掠山以陽高縣南有白登
 山故此加小也史記索隱引姚氏案北疆記謂桑乾河
 北有白登山圖之所漢書注服虔曰白登臺
 名去平城七里如淳曰平城旁之高地若邱陵也李穆
 叔趙記平城東七里有土山高百餘尺方十餘里即白
 登與服如說同顏師古則謂在平城東山上去平城十
 餘里今其處猶存里數不合蓋漢與北魏之平城雖均
 今府治其地界稍有差別故水經注既引服如二氏之

說又云今平城東十七里有臺即白登臺臺南對旱
 即白登山也漢魏時人據漢縣言唐人據代都屬縣言
 道元以北魏人記魏京邑親履其地其言必不妄是北
 魏平城東十七里即漢平城東七里今東倉坡以東高
 阜處近之而陽高縣東南二十五里之白登山又何以
 名其說始於遼史之誤以長青縣為漢白登臺地金史
 因之不知同一白登其在平城東七里者以山言陽高
 之白登以縣言魏書天興二年起鹿苑於南臺陰北距
 長城東包白登屬之西山廣輪數十里神瑞六年發京
 師六千人築苑起自舊苑東包白登周圍四十餘里蓋

魏廣鹿苑遷白登之民於故地東百里外歷齊周隋唐及遼而如置縣意遼以前必有如今之所謂白登村者今乃以之氏縣猶敦水流逕白登村南亦謂之白登河後人以縣名白登遂指縣南小阜爲白登山其實漢高被圍之處不在此明史地理志大同縣有白登山陽和衛下但言元白登縣考據最確

採掠山之南聚落之西曰牛皮嶺西距府治六十里高一里盤踞十里南連土坡山兩崖對峙若頽垣欲落中通仄徑卽古牛皮關遺址唐書雲中東有牛皮關金史大同有牛皮關今於此分汛

少咸山在聚落城北俗名聚落山乃採掠山之駢枝也山海經少咸之山敦水出焉水經注敦水導源於少咸山南麓卽今白登河發源山下河兒頭村村西南距府治七十八里

白登河之陰曰白登山西北距陽高縣治二十五里其北有大小白登村乃金元白登縣故治非漢高被圍之白登臺也說見前小白登山下

雲門山南距陽高縣治十里西連採掠山東連天鎮之環翠山北界豐鎮延袤數十里翠屏當面如幃抱城亦名翠屏山卽古之青陂山也唐地理志雲州有青陂道爲

出兵路梁元帝橫吹曲朝跋青陂道暮上白登臺遼之
長青縣以此得名其東爲鐵裏門門東西爲大小鶉鴿
峪口明嘉靖間王邦直率義兵出塞抵鶉鴿峪卽其處
也西北曰清涼嶺曰金山

清涼嶺在陽高北少西守口邊外東北距豐鎮廳治百三
十里其巔爲神谷有穴名風洞邃不可測守口河導源
其麓卽古鴈門水也水經注鴈門之水出於鴈門之山
在高柳北其山重巒疊嶺震舉雲高連山隱隱東出遼
塞以地望考之當卽雲門以東諸山與勾注之鴈門別
虎兒山東南距陽高縣治二十里其東爲猴兒山守口河

自兩山間出名開山口金史謂之墨谷口崇慶元年元
帥左都監奧屯襄救西京至墨谷口一軍盡殫卽此迤
北爲擅風崖卽古柳塞

開山口之南少西曰斷頭山東南距陽高縣治十里明洪
武五年指揮章存道從征陽和遇兵於此力戰死兩鎮
三關志云斷頭山在陽和邊境外未核

雕窠崖東北距縣治十五里山半有石盆其津漉而漉焉
挹之不竭崖遍開黃花土人名金蓮花其下石窠大水
二溝東西分流迤南峯巒突岨下建青龍觀觀前懸石
如屋巔有石洞援鐵縲而上西峯尤高名樞密寨上刻

詩云不知通得天台否鐵索懸崖度石橋以在縣治西故謂之西巖其實皆雲門枝幹也

龍混山一名偏梁寨東距陽高縣治五十里山勢嵯峨石壁峭立上有石佛洞亦援鐵索而登
環翠山南距天鎮縣治二十里西連雲門山東北連直隸萬全縣之帷臺嶺綿亘五十餘里白羊榆林諸口胥在南麓其巔名蓆麻山當係蓆麻之訛元史哈納散駐軍蓆麻林即今洗馬林在萬全境內地本隣接鄙語云以產蓆麻草名非所也山腰有洞大如屋下有溝清泉活活四時不涸峯獨聳為城西北之屏障北五里

為臥鷹山又北為二郎山

郎山南距天鎮縣治三十五里高二十里雲霞出山之半中建三聖祠少西曰樺嶺多產樺其下甘泉一泓不涸不盈晨雲起則雨所謂樺嶺朝雲也南邊口水自邊外來逕其北流入西洋河

大梁山西南距天鎮縣治四十里懸崖峭壁高數百丈險峻鴈門行人循山麓螺旋蟻附而上其北石塘河逕焉頂有清涼寺雲烟萬壑林木蒼翳夏秋之交雜花繽紛異香馥郁洵邊城一勝境也以上諸山胥在南洋河北西洋河之北曰雙山西南距天鎮縣治六十三里北界新

西平堡邊牆外兩峯對峙巒嶂重疊三春積雪不消謂之
雙山積雪金史撫州柔遠縣有雙山世宗大定二十七
年秋獵次雙山子此其是矣

南洋河之南曰福祿山西南距天鎮縣治八里延袤三十
餘里朱家蘭陵二溝水循山澗北流注於河相傳山伏

白鹿一名伏鹿山雲過此必斷否則雨亦名斷雲山吳
伯與曰天城伏鹿山之西為陽和之斷頭山更西為鎮

城之方山南垂為白登採掠山歷右玉馬頭守角以入
偏頭而漸達於牛灣黃河此則山之天勢也

積兒嶺西距天鎮縣治三十里東界直隸懷安縣中立石
限土分二色乃燕雲門戶要塞

牽牛山東北距天鎮縣治五十里石巘盤旋洞谷深杳龍
泉自兩峯瀉出環帶左右上有古刹名龍泉寺長楊一

株傳是唐鄂公手植南少東曰平頂山東北距縣治六
十里又東曰鬚髻山北距縣治五十五里又南曰馬頭

山五泉河導源於此
豐稔山東北距天鎮縣治二十里高一里盤踞十里山有

一峯四周土坡亦名孤峯山三沙河東來逕其左西北
注南洋河山有風洞土人云通清涼嶺之神谷時有羽
毛自穴中吹出上建風神廟大風祈禱輒息故又謂之

風神山蓋豐稔之轉音也山不出泉名風神泉迤東曰沙梁坡舊產大木北距縣治十里下有西流水沙梁坡之東少北曰盤山西北距天鎮縣治八里初名盆山前合陳際熙疑之盤谷更今名石巘參差名石蓮峯大石峭立百丈有奇中通一罅泉瀉澗底曰盤山泉東巖爲石棋坪土人傳三仙奕此石上印仙人掌澗畔古松一株枝幹蒼老蓋隋唐時物少西有觀音洞仙人洞道士朱真光所棲止也皆鑿磴架木而上高樓傑閣迥出林表夕陽在山餘霞綺麗亦名晚霞山山中人又言夜半見霞云

玉泉山西北距天鎮縣治二十五里巖高十丈許瀑布三中瀑尤盛其西曰秀峯山兩山之間麻黃水逕之南有磨石山少東有蕭牆山山脊名黑龍背下有黑龍泉西距縣治四十里

神頭山在蕭牆山之南西北距天鎮縣治五十里一名筆峯山龍蟠虎踞二峯高插雲霄東南直接懷安縣界上有呂仙洞最幽邃繇旁躡陟巔可望鴈門一名小天門其麓南北兩源夾而西流與陽門水合自牽牛迤東諸山皆謂之陽門山水經注所謂鴈門水東北入陽門山者也山走東北大盡處至會河堡之西爲陽門鎮金時

改置陽門縣皆以陽門山得名
小盤道山北距天鎮縣治五十里南接直隸西寧縣界兩
山對峙道狹而屈曲如羊腸坂經十八折而後下又名
十八盤山其西北曰石梯梁又北曰米薪山北距縣治
二十五里

由小盤道而東曰五家山一作武家西北距天鎮縣治六
十里岡嶺重複中有澗道乃姜前後屯河發源也水經
注託台谷水上承神泉於葦壁北東逕陽門山南託台
谷謂之託台水縣志云天城縣脉自西來而南東起五
家山左界沙河河源右界神泉中起託台谷又北起陽門

山則今大人溝義門村之間近古託台谷今灰窰溝近
古葦壁皆當在五家山西北也

由彌陀山而東其在得勝口外者曰奚望山新城得勝二

河之所逕也南距府治九十里北距豐鎮廳治十六里

上有鬪雞臺唐乾符中雲中守捉使李克用偕程懷信

等募士萬人次於此金史地理志大同縣有奚望山今

名望城坡山舊志載奚望山一名岐玉山在大同縣北

九十里上有岐王墓又云岐皇墓在府城東三十里塚

頭峻絕如山亦名祁皇山言多矛盾省志亦沿其誤

三台道山在望城坡西北高坡叢石路徑險仄北距廳治

八里許得勝河西來逕之一名三台道河東南注於如
 渾水省志載焦山在大同北明嘉靖間大同叛卒亡出
 塞退保焦山今朔平府左雲縣北之焦山在助馬邊內
 與出塞之說不合三台道為得勝口外出入要路現在
 設兵防汛其左近有村名焦山尾疑焦山即三台道山
 尖山子南距廳治三十五里其西北為大壩山東南距廳
 治四十里越兩山而北為五字圖廟及蒙古賽拉嗎克
 特不黑地又北則正黃旗總管之所治也
 大壩山之南曰白牙义山東南距廳治三十里下有村名
 十八兒大蓋言黃土溝也山之西接寧遠廳界東連石

田嶺嶺東南距廳治二十里

雷雲山在廳治西北五里下有雷雲密迤東陂阜橫亘亂
 石犖确城北枕以為險又北曰興旺嶺南距廳治十里
 以上諸山俱在新城河之西

新城河之東北曰牛心山西南距廳治六十里孤峯直上

高五十丈有奇其西北重巖複岫若拱若翼直跨正紅
 旗遊牧地下掘長塹為界環山屈曲蒙古營帳碁布塹
 外陟巔北眺則威寧集寧葫蘆菱角諸海了了可辨大

青山委蛇西來雲霧杳冥遠在二百里外攷魏書太祖

登國元年自弩山遷幸牛川屯于延水南天賜三年行

幸青牛山西登武要北原觀於九十九泉按于延水卽
 今東洋河九十九泉在今歸化城北青塚南武要於漢
 屬定襄郡亦近今朔平邊外疑青牛山卽今牛心山而
 山以北之平川亦近古牛川也明嘉靖間突同烽警時
 總兵梁震戰捷牛心山則在今右玉縣東南四十五里
 牛心山之西少南曰廣收梁西南距廳治五十里又東曰
 八楞山曰松栢山俱西南距廳治八十里

石元山西距廳治五里盤踞二里高二十丈平野獨秀如
 擎芝蓋新城河北來逕其右亦名新城山其左靈泉出
 焉西南注於河巔有古寨址傳是五代周德威屯兵處

無可證實旁古井一深不可測以小石投之鏗鏘震盪
 良久乃寂東十餘里曰東山巖南北橫臥少西曰吉慶
 梁西距廳治十五里

鎮川口之外曰盤羊山西北距廳治八十里東南接乾柴
 洞土人云山舊產盤羊卽羴羊代都賦所謂羴羊養草
 以盤旋也盤與蟠通用北魏太祖天賜四年夏五月北
 巡自參合陂東過蟠羊山太宗泰常六年夏六月北巡
 至蟠羊山疑卽此其西南曰木九山與邊內紇真山相

接西距廳治百八十里南距廳治百八十里
 乾柴洞山在陽高邊外清涼嶺之北西北距廳治百里舊

有礦洞今封塞

慈老壩西北距廳治百八十里南直鐵裏門徐化溥詩引

塞上三種似鴈非鴈與鴈往來名曰慈老山之受名未

詳或曰卽鷓鴣峪

五煙圖山西距廳治六十里東有豐收嶺西距廳治七十

里

天花板山西距廳治百三十里

三道溝山西北距廳治百四十里水泉壩西北距廳治二

百里兩山之間曰葫蘆速太猶言榆樹溝西洋河導源

於此東入馬市口古延鄉水也水經注延鄉水出延陵

縣西山

狼頭山西南距廳治百二十里疑卽古豺山北魏離宮所

在也東接旗桿梁又東曰平頂山東西延長十餘里與

大明暗山接

平頂山之北曰桃花嶺少西曰彩

三十里彩雲嶺之西曰玉泉山頂有清泉又北少西曰

察哈奧包山上壘石爲小祠蒙古俗謂之奧包一作鄂

博故稱奧包山西南距廳治百二十里北接正紅旗界

正黃旗之南曰黑山子西南距廳治二百里踰山而北爲

正黃旗總管治接明史嘉靖間大同烽警前衛總兵周

尚文與戰黑山進至涼城水經注如渾水出涼城旋鴻
 縣卽今察哈爾境內之葫蘆海在黑山之北疑尚文戰
 處卽此山矣王越周璽傳亦稱黑石崖疑一山異名然
 府境所稱黑石崖者甚多未能確指其處又古豐州境
 有黑山與雲內州夾山相連則在今歸化城西南非此
 黑山之北曰游擊營少西曰察哈爾其西曰歸化城
 大青山在高廟之北西南距廳治二百二十里北接察哈
 爾正黃旗界山有數峯東一峯尤高蒼翠峻嶒故土人
 亦謂之大青山東洋河北來遶其麓東入直隸張家口
 桑乾河南之山自代州北勾注迤邐而東其在山陰縣南

三十五里者曰復宿山高入漢表雲生其下則雨俗名
 草垛山金玉拱碑云文殊大師經行畱宿處故又名佛
 宿山下出水名何家泉西去五里爲化悲巖兩峯嵯峨
 壁立于仞東巖有石窟深廣可避風雨中建北嶽祠中
 窟聖水滴日盈缶以禱雨奇驗南爲水峪口通代州界
 金史地理志應州金城縣有復宿山金城應州治山陰
 舊隸應州瓌對玉護悞屬之耳明王文端家屏山陰人
 其故居名復宿山房
 夏屋山卽復宿山之東元魏天興六年行幸南平城規度
 灑南面夏屋山背黃瓜堆將建新邑南平城爲今山陰

縣地灑水卽濕水爲今桑乾河在山陰縣北則縣南大山當卽古之夏屋矣縣志云磨笄石在縣南夏屋山引史記趙襄子北登夏屋擊殺代王平代地代王夫人磨笄自殺爲証按正義云夏屋山一名賈屋山今名賈母山在代州鴈門縣東北三十五里與勾注山相接蓋北方之險又云磨笄山一名磨笄石亦名爲山在蔚州飛狐縣東北百五十里是磨笄夏屋明著爲兩山不當云磨笄石在夏屋山也又攷魏土地記代郡東南二十五里有馬頭山趙襄子旣殺代王使人迎其姊代王夫人夫人磨笄自殺今直隸易州之廣昌古飛狐縣蔚州乃

古代國蔚東南之馬頭山卽古磨笄西距山陰縣三百餘里南北魏灑南之夏屋與史記所載實爲一山在今代州山陰之間漢志所謂廣武有夏屋山者也省志又言北魏天賜三年校獵至屋孤山或曰卽夏屋未審所

其據曰嶺嶺山西北魏魏州四十里山嶺嶺嶺嶺

龍門山北距山陰縣治三十里一名隘門舊志云上有魏文成帝御射臺碑陰刻從臣姓名以魏書文成紀水經滋水注覈之當指靈邱縣南之太白隘門山言不當在山陰南詳古蹟

香山北距山陰縣治三十里乃夏屋之別支三峯齊列松

香石蒼翠明王濬初詩所謂夏屋山前青玉案三峯卓筆
 凌霄漢也下有村名沙家寺遼沙節度墓在焉南為榆
 林口白泥河導源於此

應州南四十里曰茹越嶺壁立如屏中有書堂巖金進士
 曹之謙結廬處東北溝上有避靜坡

其東曰龍灣山西北距應州治四十里山勢嵯峨灣曲上
 有龍池下為大小山門宋朱弁記南山之麓平坡峻坂

林木深秀即其地也少南曰香峯山上有香峯寺

翠微山西北距應州治二十里東起北嶽恒山之右龍首

山西迤茹越龍灣諸峯西南連勾注山蜿蜒環疊表二

百里有奇橫列州南似翠屏高不可用勾股海島法量

自復宿夏屋而東凡在山陰應州南者胥謂之南山因

山為塞昔稱扼要湖峪馬蘭茹越小石大石北婁諸口

分布聯絡路迥代繁峙其下眾水分流東北入渾河西

北入桑乾河

護駕岡北距應州治三十里相傳魏孝文駐蹕於此趙霸

岡西距州治二十五里南北橫臥右脇下即渾河與州

西山陰北之黃花岡是為三岡

邊耀山西南距應州治三十里東界渾源州西北界大同

縣形類蝮蜒盤迴二百餘里其下崢川水南來逕之一

名龍首山兩鎮三關志廣靈之六稜源於龍首又云蔚北山名襄始脉應州而盡於蔚城東皆指此山一統志鴈門龍首相應故州以應名按後漢志註勾注在陰館史記漢蘇意軍勾注應劭曰山險名也在縣爾雅八陵西隄鴈門是也郭璞曰卽鴈門山蓋古之鴈門山綿亘甚遠不能限以今代州之鴈門關且應州金城縣本漢陰館縣地見遼史地理志則應南諸山於古皆爲勾注其東北爲龍首山州介兩山之間相應之說不爲牽合余睹谷一作余都舊志不載省志謂在山陰縣南金史太宗紀天會二年十月聞遼主從者不過四千戶有步騎萬餘欲趨天德駐余都谷三年二月婁室獲遼主於余睹谷應州續志云按遼史天祚紀至應州新城東六十里爲金將完顏婁室所獲而金史宗幹傳則云獲遼主於應州西余睹谷又海里傳云海里從婁室追及遼主於朔州阿敦山遼主從數十騎逸去婁室遣海里往見諭使降遼主窮蹙待於阿敦山之東婁室因獲以歸合數條考之則余睹谷當在今西山口一帶而新城更在其西也

北嶽恒山在渾源州治南二十里高十里周一百三十里北連玉華峯東連栢山東南連槍峯嶺山脉繇陰山南

入朔平府境歷朔州西折而東爲勾注復宿夏屋茹越
北書崖翠微突起於州南爲恒山山之巔曰天峯嶺下建
北嶽觀左巖竇曰還元洞右爲飛石窟兩崖壁立豁然
中虛相傳爲曲陽安王石符券上建后土祠鎮之觀前
風似虎吼名虎風口得一菴在其上以道士魏得一
觀東南五十步有元武井一廿一苦能已疾疑卽福地
記所稱太元泉也泉上建龍泉觀其東有夕陽巖日入
崦嵫巖獨明巖下有通元谷唐通元先生張果隱此巖
東面有碧峯嶂東南有果老嶺綿亙峻險其下巋然蹲
峙者曰白虎峯觀之北峯頂百餘步有琴棋臺一峯突

出俯視諸山如攢戟覆敦臺下爲會仙府又東北爲白
雲堂中有洞初入山有 名步雲路碣銘塞外第一山
行數里有翠雪亭上亭坡名望仙嶺東半崖有集仙洞
東北有紫芝峪明嘉靖間採取北嶽元芝處也下有巨
石方半畝階級天造曰振衣臺西南有石脂圖石版作
五色紋類雲母彈丸明珠膩者可作散又有總真洞白
龍洞爾雅恆山爲北嶽尙書大傳謂之宏山漢諱孝文
帝名改常山唐元和中名鎮岳宋諱真宗名亦名常山
水經注謂之元岳又名陰岳紫岳葛洪枕中書謂之太
恒山亦稱恒宗命岳茂邱皆恒山別名也按禹貢註史

記趙世家註漢地理志註皆云恆山在上曲陽縣杜氏
 通典文獻通考亦云定州曲陽縣北岳恆山在焉蓋漢
 唐之恆山郡並在恆山東南而北魏之恆州北齊之北
 恒州則在恆山之北曲陽在隋為恒陽縣渾源元初為
 恒陰縣山南曰陽山北曰陰其實皆以山得名名山記
 恒山周迴三千里管子曰恒山北臨代南俯趙東接河
 海之間今渾源南二十里之恒山與舊阜平東北之大
 茂山綿亘三百餘里勢本聯屬第山脉自北而東而南
 騰躍入紫荆倒馬以達於曲陽是大茂乃恒山之脊而
 突起於渾源南者其來龍也尹耕三曲陽辨言之

玉華峯在磁窑峽上北距渾源州治十里雙峯如削玉高

三里盤踞六里北連翠屏山

翠屏山北距州治七里高二里盤踞四里秀麗似屏其東

南麓涑水出焉一名高氏山水經注涑水出靈邱縣西

北高氏山山海經作高是明史地理志渾源南有翠屏

山

玉華峯之東少北曰柏山西北距渾源州治十里高里許

盤踞五里山多柏上有香爐峯孤起屹立西南連恒山

朱弁記所謂柏梯凌峙於南山之北也故亦名柏梯遠

望峪在其下峪中有泉

五峯山西距渾源州治三十里高四里盤踞十三里五峯

如削上有三陽洞明史地理志渾源東有五峯山

槍峯嶺在渾源州治東南五十里即明史地理志靈邱縣

西北之槍峯嶺也高五里盤踞十六里南連孫贖山

彘河經其麓

孫贖山西北距渾源州治六十里高三里盤踞九里東有

孫贖寨西去數里有二龍涓寨均非所詳也南麓千佛洞

鑿石而成

龍山一名封龍山東北距渾源州治四十里高三里盤踞

八里兩嶺中分處建大雲寺嶺西為文殊巖危峯怪石

巒岫巧鬪其北曰萱草坡山之絕頂也金麻草有記東

北曰惠嶺秀麗可愛又名秀麗嶺嶺下有黑龍池雲升

不崇朝而雨元初李冶元好問張德輝嘗遊此時稱龍

山三老

東北五里許曰玉泉山高半里盤踞三里石罅出泉瑩如

玉環玉泉寺所謂玉泉寒溜也西有望景臺甚險

橫山東距渾源州治二十里南北橫互如城故崞縣在其

左高一里盤踞五里疑即水經注所稱崞山說詳沿革

嘴側有乳泉水

龍首山之東曰晝錦山東南距渾源州治二十二里高二里盤踞六里以元工部尙書孫公亮予告歸爰名山焉按元史孫拱渾源人歷官工部侍郎見工藝傳疑卽其人又東曰龍角山高三里盤踞七里雙峯竦峙似龍角北距州治二十里山高平頂盤踞三里山泉噴噴鳳凰山東南距渾源州治七里高二里盤踞五里神峪水發源山麓西南注崞川水明司務孫聰建鳳山書院於此詳見古蹟

校廻嶺東南距靈邱縣治三十里乃高氏山之枝麓滋水出焉其東界渾源北界廣靈俗傳竇建德返乘處謂之廻嶺山山下有牛口峪按許氏說文滋水名出牛飲山白涇谷疑卽所謂牛口峪也返乘之說殊謬

太白山其脉自恒山東來若斷若續至靈邱縣南二十里復拔地而起高極雲表爲邑諸山之冠石磴十八盤延袤數十里山有鍾乳穴滴如懸穗初夏積霰古冰厚數尺徑多叢木茂草虎狼錯跡惟山陽地頗廣衍產黃花蕨菜爲茹甚美其陰澗水逕之魏書靈邱南有山高四百餘丈和平二年高宗過之詔從官仰射山峯無能踰者高宗一發出山三十餘丈過山南二百二十步遂刊石勒銘卽其處也遼史謂之東白山今土人猶稱太白

鬼云

柏巖上有古寺煙燠巖樹木窅黑濃如墨漬石作火燼色
俱北距靈邱縣治四十里

野窩嶺在太白山之西東北距靈邱縣治三十里路通鐵
嶺口山半舊有礦洞

太白山之東少北曰隘門山西北距靈邱縣治二十里兩
山虎踞中通澗道數丈澹河自西來入焉水經注滋水

自縣南流入峽謂之隘門設險於峽以譏禁行旅明史
地理志靈邱縣東南有隘門山今夏秋間暴漲水石礮

擊梯徑胥絕峯頭一一塞垣石子壘壘傳是宋楊延昭
把守三關遺址

覺山西北距靈邱縣治三十里由隘門山峽入取道巖石
間路裁容騎右壁峭挿于霄左絕澗數百丈怒湍雷礮

衆山殷響上有古刹名覺山寺元魏建白浮屠古井猶
存又有鐵磬巖巖懸鐘巖舍利洞山空月明巖際嘗聞棋

子剝啄聲土人以為飛仙往來云
鷲毛嶺北距靈邱縣治七十里路徑叢岐下關巒嶺等村

分布嶺下南通鐵嶺關
鎗嶺嶺西距靈邱縣治二十里直上千仞鑿壁數十盤石

齒皆斧鋸痕多野芍藥叢生石縫間開時蜂聲不絕西

去二里許曰孤山平野孤峙故名
 東五里許曰三山三峯平列如古邱壘狀三山堡踞其前
 地多渠壑路叢雜突入者不易辨又東十里曰銀釵嶺
 金大定六年世宗幸西京獵於銀山卽此高山旁立嶺
 陡路岐東接直隸廣昌界明史楊博傳所稱塞銀釵驛
 馬諸嶺以絕窺紫荆路者也或言姐已過此險釵亦名
 遺釵嶺未聞所據

罅道山在鎗嶽嶺北一名二道峽西南距靈邱縣治二十
 里奇險過鴈門兩峭壁竚立數十丈中通溪路濶數尺
 暑月雨水暴漲則亂石繞轉而下行者病之其西五里

兩峯崑崙然曰駱駝山東十里有聖水山山下出泉又
 名龍泉山自鎗嶽嶺以下至此並在落水河之東

義泉嶺西南距靈邱縣治三十五里山勢稍拓一嶺當關
 盤踞十餘里落水河導源其南嶺半界石與廣靈縣分
 壤迤邐而西曰黑山曰團山曰猫兒山岡嶺相接

野窩嶺之北曰鼓子山東距靈邱縣治三十里平地突兀
 似石鼓故名西十里許有黑龍谷又西十里有流石山
 石理作劈斧紋又西十里曰紅山石赭色

花山東南距靈邱縣治十二里山多雜卉
 漫山東南距靈邱縣治六十里山勢紆徐旋折南接紅山

東連枚廻嶺

越義泉嶺而北少西曰臨灌山石家泉出焉一作林管一名林關峪傳寫之異也東北距廣靈縣治四十里東臨絕澗西倚危嵯谷深林密上有古城址亦稱楊六郎城無可證實又北二十里有天井山古井深五六尺雖旱不涸

直峪山北距廣靈縣治十五里唐書地理志靈邱縣有直谷關時廣靈未析也谷之左爲紅沙坡東接蔚南山出上有古長城址漢元光五年築密泉自南來滙爲小河北注於壺流水

少東曰畱老山羣峯似戟昔袁吉棄父於此其子袁表諫而載歸山以此名故里在山下名畱老曠

加斗山一名神峯西北距廣靈縣治二十里西接榆杏山西北接畱老山峯巒峭立內有石竇似門明時建寨其上名鐵裏腰封寨山下加斗村乃元總管聶諒故里

榆杏山北距廣靈縣治二十里石泉懸流兩崖松鬱所謂聖泉松風也自臨灌直峪以下至此並在壺流河之南白羊山東距廣靈縣治五十里停雲閣霧離奇窈冥上有觀音寨乃古白羊寺遺址大小白羊村在其東麓下有小河受瑞泉水東北注壺流河西小山曰馬蹄嶺有馬

蹄跡

望狐山東距廣靈縣治六十里土人傳有神語人曰予近居此語訖人望見引狐入山故名其言不經按古之飛狐穴在今廣昌蔚州間疑望狐之名實肇於此又廣靈縣南有壺流河東南有壺山壺狐音近或傳訛耳白羊山之東十里許曰斷架嶺俗傳有竇建德墓非所詳也又東曰石梯嶺石磴陡絕東距縣治二十里壺山西北距廣靈縣治一里環山皆泉卽壺川水遇逢山北距縣治一里有仙人足跡

飛鳳山西距廣靈縣治二十里一岡突岼下有洗馬莊元
侍郎龐清居此清嘗官洗馬

巧八山南距廣靈縣治二十里一山中峙四圍七山環向東南延袤十五里山半有滴水崖泉自穴中出滴水成潭

九層山東南距廣靈縣治二十五里明史地理志廣靈北有九層山是也上有九層臺產花斑石臺下出水名一斗泉又縣西北五里有千福山一名千夫山相傳前代遣千人取花斑石先禱神祠今鄉民多祈福於此

大山一名平頂山南距廣靈縣治三十里徧道直躋峻而不險至嶺巔差廣復聳一山爲平原塢北瞰陽和塞南

望太白峯道通天鎮陽高折西為夾石溝磴道狹曲乃
 北界之屏障少東曰瓦房山以形似名
 廣靈天鎮之界曰六稜山東南距廣靈縣治七十里北距
 天鎮縣治百二十里山脉自應州龍首來其勢雄峻前
 後各垂三脊故名六稜嶮巖帶嶼攀躋極難北眺桑乾
 如帶縈繞其下蓋天然阻隘也迤西為火燒嶺赤崖爛
 然其南稍寬坦嶺脊壘石為邊延袤數十丈踰牆而北
 徑復險仄

樺山西南距廣靈縣治四十里上有三岔峯其險峻
 龍澗山北距天鎮縣治百二十里一名青雲山上有鷲峯

寺石鼓西有黑龍洞石乳涓滴下有石盆承之歲旱取
 水輒雨以上諸山皆六稜山分支也

府境之川以桑乾河為經府屬豐鎮大同懷仁山陰應州

廣靈陽高天鎮之水渾源西流之水皆匯焉其源潛承

汾陽燕京山天池伏流至朔平府馬邑縣雷山之陽匯

為七泉曰上源曰玉泉曰三泉曰司馬洪濤曰金龍池

曰小蘆曰小蒲七泉合而為一是為桑乾河漢志陰館

累頭山治水所出武五子傳作台水桑欽謂之濕水北

魏書謂之濕水亦曰桑乾川酈道元曰即涑涑水蓋桑

乾之轉音也其水自泥河村東南流逕山陰縣西三十

里之河陽堡入府境東流逕安銀子村遼蕭后駐兵處
北逕安居坊又東北逕新舊岱岳村北魏泰昌間建岳
瀆祠於桑乾之陰或其遺址折而東逕黃花嶺南之後
小圪塔水經注所謂桑乾水逕黃瓜阜曲西又屈逕其
堆南者也又東新莊子河出大千口自左注之又東逕
安昌寺麻合疇東湖嶺諸村入應州界東逕州西二十
里之涼亭村其右黃水白泥二河繇師家坊東北流注
之又東逕大營村木瓜河西來注之又東逕北賈寨曹
娘子村左得磨道河之水又東左得清水河復折而北
逕白塘子村又東鹽礮二河納南山諸口之水自右注

之又北逕屯兒村里八莊河南流注之又東逕西安堡
南堡在懷仁縣東南三十里順治六年大同縣所移治
也其左崞川水循邊耀山北流注之又東北逕鄭家莊
入大同縣界左得大峪口紅山峪之水又東逕新橋村
古冢坡與如渾水會又東逕甕城驛古定橋北明嘉靖
間御史宋儀望請開桑乾河言源發金龍池下甕城驛
古定橋卽此又東逕徐疇南又東北逕于家寨補村明
史作卜村所謂大同卜村有叢石者也又東逕西冊田
貴仁村東冊田亂石村西堰頭梁家馬營入陽高縣南
川界又東南逕黃土梁南又東逕東堰頭大柳樹小石

莊南又東至西馬營入天鎮縣南川界又東逕蘆子屯
 北嘴兒圖南五泉河石門溝之水自左注之又東逕六
 稜山小鹽場南又東至直隸西寧縣白家泉出境與壺
 流河合又東北流至保安州東南與洋河合按水經注
 濕水東合武周塞水東南逕黃瓜阜又東北左合夏屋
 山水又東北逕魏亭西又東北逕白狼堆南又東逕巨
 魏亭北又東崞川水注之又東逕班氏縣南如渾水注
 之又東北逕北平邑縣故城南又東逕沙陵南又東逕
 犊氏縣故城北又東逕道人縣故城南又東逕陽原縣
 故城南陽原卽今西寧縣黃瓜阜在山陰縣北夏屋山

在縣南武周塞水卽今大于口水與武州川別白狼堆
 在應州西北巨魏亭在州北如渾水繇今府治南三十
 五里會武周川入桑乾則班氏當在大同縣南而北平
 邑沙陵犊氏道人當在陽高天鎮縣南西寧之西皆桑
 乾河經流之府境也

陽高縣小石莊渠一道由大同縣西堰頭引入灌田數十頃乾隆三十三年知縣石文秀奉文疏濬天鎮縣東太保西太保村小渠六道引水灌田二三四頃不等每年祇週用三道又小鹽場村小渠三道引水灌田三四頃

如渾水導源察哈爾正紅旗遊牧之葫蘆海水經注如渾
 水出涼城旋鴻縣西南者也由賽拉嗎克特不黑東南
 流入豐鎮廳北牧地之永旺莊南逕三祝窰又南逕湧

大同府志 卷之四
月灣又南逕民地之慈老溝又東南逕新城灣謂之新城河靈泉自左注之又南逕焦山尾又南逕河口灘行廳境凡五十餘里繇鎮羌邊牆水口南流入大同縣界又南逕宏賜堡又南逕榆澗村孤山村得勝河西來注之左得八墩口之水又南逕孤店明成化間巡撫王越率兵出孤店潛行至貓兒莊進至威寧卽此又南逕馬站村白馬城又東南逕紫角村西紅花場東又南逕府東門外之與雲橋謂之玉河橋亦名玉河橋元泰定元年河東元帥圖綿重建更今名朝會轉輸東趨京師必踰是焉金史地理志大同縣有如渾水玉河實一水也

其水東逕金大定中所立邊元忠碑溢而西出者曰柳港環植楊柳綠陰交翳昔郡人刺小舟消暑於此所謂柳港泛舟也今曰涸如渾水又折而南逕郝家莊沙嶺子寺兒村舖南北獨覺寺其高阜爲獨覺岡有代藩諸墓又南合武周川水至高家店入桑乾河隸縣境凡百四十里按水經注如渾水出旋鴻縣西南五十餘里東流逕故城南北俗謂之獨谷孤城水亦卽名焉東合旋鴻池水水出旋鴻縣東山水卽成池北引魚谿水南流注池池水吐納川流以成巨沼右合如渾水是總二水之名矣如渾水又東南逕永固縣右會羊水亂流逕

方嶺又南至靈泉池枝津東南注池池渚舊名白楊泉
 泉土出白楊樹因以名焉南面舊京北背方嶺左右山
 源亭觀繡峙方湖反景若三山之倒水下如渾水又南
 分爲二水一水西出南屈入北苑中歷諸池沼又南逕
 虎圈又逕平城西郭內又南屈逕平城縣故城南又南
 與武周川水會又南流逕班氏縣故城東又東南流注
 於濕水一水南逕白登山西又逕寧先宮東又南逕平
 城縣故城東水左有大道壇廟右有三層浮圖其水自
 北苑南出歷京城內河干兩湄累石結岸郭南結兩石
 橋橫水爲梁又南逕藉田及藥圃西明堂東引水爲辟

雍又南與武周川水會今如渾水自方山南漸趨而東

又透蛇而南其西出而南之枝津泉池大槩涸塞錄之

以見拓拔魏建都時其水道通行如此

郡人郭傳芳撰
守道曹秋岳去

思碑畧云龍沙止生寒黍不知六穀有粳稻先生
開渠東阡因玉河下流且溉且糞立田秔稻千畦

得勝河一名三台道河源出察哈爾正紅旗遊牧地由朔

平府屬寧遠廳東流入豐鎮廳西二十五里民地名常

元稔莊又東逕富喜村東南逕二十一溝三台道山南流

入得勝口又東南逕孤山村入如渾水按水經注羊水

出平城縣之西苑外北出東轉逕燕昌城南又東注於

如渾水疑卽今得勝河也

靈泉出豐鎮廳東石元山麓東北百步許清冽淵涵時有
一物蜿蜒其上禱雨多驗其水西南流屈逕山南又南逕
新城灣西注於如渾水

武周川俗名十里河源發塞外菱角海由古雲內城入朔
平府北之殺虎口東南逕左雲縣雲岡石窟寺南其東
一窟靈泉出焉南流數十步注之川水東逕青磁窑入
大同縣境又東逕蝦蟆石灣石壁鐫佛字大徑丈又名
佛字灣水經注武周川水東南流水側有石祇洹舍并
諸窟室又東轉靈巖南鑿石開山因崖結構山堂水殿
煙寺相望即其處矣川水又東流出小站口循山麓屈

曲而南魏土地記所謂平城宮西三十里武周塞口者
也折而東逕王家園北又屈逕其東古杏數百株吐花
大極繁疑明代府別業又南逕平旺村時家莊東又東南
逕東西十里河村口泉峪之水西來注之又東南至合
河口與如渾水合

沿河各村居民開渠引水資以灌溉

口泉導源坤雲山北口泉峪匯為方池池上結小亭西有
橋歷橋陟磴數十梯而上有泉神廟廟左古井一乃泉
源也其水東北流逕煙嶺村又東北逕口泉村又東注
武川水按水經注火山水發火山東谿東北流出山山
有石炭火之石棚樵炭也疑火山水即今口泉其西山

猶產石炭云 口泉村民開小渠分

流灌田頗稱沃衍

鷺毛口水源出懷仁縣西北十五里鷺毛口山東流逕縣

北里入莊名里八莊河東南逕下寨村新發村又東南

逕應州界入桑乾

小峪口水出懷仁縣西南二十里小峪山東流逕縣南十

五里名磨道河又東逕路家莊又東南逕乾溝村又東

北入應州界注桑乾河

大峪口河即左雲縣南之馬頭河由吳家窰東南流出大

峪口入懷仁縣境東逕縣南曹家莊田家莊水磨村東

北入應州界又北逕大同縣南鄭家莊入桑乾河

宋家莊河在懷仁縣南二十里又南十里為薛家莊河俱

自縣西南紅山峪導源東南流入大峪河以達桑乾

新莊子河發源懷仁縣南七十里新莊村西南流逕黃花

嶺出太子口入山陰界東南逕前後小圪塔入桑乾攷

水經注武周塞水出故城東南流出山逕日沒城南東

有日中城城東又有早起城在黃瓜阜北曲中其水又

東流注桑乾河今大同縣西南百三十里有黃昏城疑

即古日沒城懷仁縣南六十里有日中城堡疑即古日

中城則武周塞水當即鷺毛小峪大峪紅山峪諸口之

水東南入桑乾者俱在黃花岡之北蓋古之武周塞在

今大朔二府之界盤踞數十里其自武周塞北出東轉

又東注如渾水者曰羊水一水也自靈巖南又東南流

出武周塞口者謂之武周川又一水也與黃瓜阜北曲

中之水支派各別

山陰縣北黃花嶺南諸村資其灌溉

黃水河源出朔州東南之三泉流逕辛村元英村漫散亂

復聚於黑圪塔疑卽水經注所稱桑乾枝津也其水東

北流逕忠州故城北金貞祐間升山陰縣爲忠州築此

城又東逕山陰縣城南復宿山之水自右注之所謂東

北左得夏屋山亦者也屈而北逕縣城東又東逕東西

五福頭又東逕應州境之東辛寨至師家坊入桑乾河

明萬歷後自上河西奔潰北徙迨城西址知縣劉以守

相度高下隄防疏濬引歸故道入國朝乾隆年間水復

漫溢知縣葉丕葆於東門外開頭道河導水而北三十

三年知縣常愷奉文疏濬

舊志知縣劉以守水利碑陰云黃水溉田上則元英黑圪塔下則五伏圖李珠庄擅利久矣其近城前後可引可灌自奉分日之令又禁上村無得壅闕責坐堡督察而以縣法繩之城民舊苦鹵飲遠及城南石井擔水日費二三文今河遶三門童稚可汲夏秋飲長流冬春飲積

冰民咸宜之

白泥河自山陰縣南三十里榆林口發源東北流逕五福

頭又東入應州境逕望巖村師家坊入桑乾河

明天順間巡撫黎陽王越於山陰縣南八里開渠名西伯渠東注白泥河以殺復宿山諸峪水漲之害

木瓜河源出山陰縣北水上村東流逕應州西之侯家嶺
又東北至大營村入桑乾

清水河源出懷仁縣東南六十里之韭畦村東南流逕應
州北水磨村又南至臧家寨入桑乾

湖峪口水出代州北之馬湖山北流出口一水流入山陰

縣東南由羊圈頭漫流李莊新村知縣葉丕葆於城東

一里開二道河導而北注於桑乾河一水流入應州西

南逕西安峪下曠村又北逕望巖村大西頭安銀子南

湛村永盛莊豐家黃魏張家坊大黃魏歸入鹽河自西安峪

至下曠村為舊渠自犁
嶺村至大黃魏為新渠

馬蘭口水出應州西南四十七里馬菊口北流逕馬菊莊

下馬峪西北逕南望莊小南頭大北頭馮家莊新房兒

劉家莊共三十九里歸謙河自馬菊莊至下馬峪為舊
渠自南望莊至劉家庄為

新渠

茹越口水源出應州南四十里茹越嶺北流出口分為二

一水東北流逕下寨村王宜莊北曹由等村折而西北

逕大歲稔又西逕康興莊寇家寨凡四十里入鹽河一

水西北流逕南曹山上乾港又北逕何家曠鄭家莊張

家坊師家坊凡三十八里入鹽河自下寨村至北曹山
自南曹山至上乾港

皆為舊渠自大歲稔至寇家寨
自何家曠至師家坊皆為新渠

峙峪口大小山門口水三源並導滙而北流迳應州西南之峙峪村釵裡村上乾港又北迳下乾港石家店張家坊凡五十七里注於鹽河自峙峪村至上乾港為舊渠自下乾港至張家坊為新渠

小石口水二道源出應州南雲峯護駕岡諸山一水流迳州東南小石村北河種又北迳姜家莊灰泉子東關外又北折而西迳吳家莊凡五十七里入桑乾一水流迳州東南鮑家堡南河種接馬峪又北迳灰泉子席家堡折而西迳州南之八里坡二里寨又西迳李家莊寇家寨凡三十八里有奇歸入鹽河鹽鹹二河水無源因土人挖鹽鹹成渠水所滙處遂目為河耳並注於桑乾河

自小石村至北河種自鮑家堡至接馬峪皆為舊渠自姜家莊至吳家莊自灰泉子至寇家寨皆為新渠

大石口水導源應州東南茹越龍灣諸山自大石峪北流分為二水一水流迳州東南下社村石家莊鎮子梁凡十五里歸入渾河一水流迳下社村唐家庄張家寨城下莊又北迳郭家寨西輝耀鴟鵂莊楊家莊凡四十三里入桑乾初由州城東繞城西北康熙二十四年知州趙時可以水侵城址築隄下社村逼水北流自下社村至城下庄為舊渠自郭家寨至楊家庄為新渠自下社村至鎮子梁皆為舊渠

北婁口水二道發源應州東南四十里一水北流迳北婁村東上寨又北迳羅家莊東小寨凡十二里一水並流

至東上寨北少西逕東辛寨臨河村又東北逕羅家莊
安樂營凡二十里並注於渾河

自北婁村至東上寨自北婁村至臨河村皆為

舊渠自羅家庄至東小寨自羅家庄至安樂營皆為新渠

唐泉在應州東二十里安邊鎮以唐鑑墓其地故名泉自

石澗出涓涓東流入於渾河

渾源河出渾源州東北二十里汗土峪今名為神頭村唐

置渾源縣金陞州皆以水得名古謂之崞川水魏書太

平真君五年上自河西觀於崞川即此其水流逕州西

南十五里故崞縣麻家莊明史地理志所謂州西南有

渾源川者也分流繞城西北西流滙為大澤又西合神

溪水曲折西北流逕寺家莊又西逕應州東北趙霸園

唐泉東流注之又西北逕東小寨安樂營北馬莊諸村

左得大石北婁口之水又北逕南柳會邊耀村循邊耀

山麓北出東轉逕大同縣南之小長城懷仁縣東南之

西安堡東北注於桑乾河攷水經注崞川水出崞山縣

故城南縣南面元岳石背崞山其水又西出山謂之崞

口北流逕繁峙縣故城東又北逕巨魏亭又北逕劇陽

縣故城西又東注於濕水元岳即恒岳崞山疑即橫山

皆在今渾源州境又攷闕駟十三州志劇陽在陰館東

北百三望寰宇記陰館在勾注陁北一統志劇陽在應

州東北是繁時故城亦據漢晉故縣言當在今應渾二
州間古劇陽之南若今代屬之繁峙縣北距應州治百
里中界大山非崞川水所經也

應州渾河東岸北馬莊渠一道西岸柴家莊渠

一道乾隆三十三年知州吳炳奉文開濬

神峪水發源渾源州西北七里鳳凰山麓孤石方畝高丈

餘上有律呂神祠周環泉水歛涌旁合煖水西南流逕

橫山左又合乳泉水南流注於渾河遼史應歷三年三

月如應州觀漁於神德湖卽神溪水也

元麻治律呂神祠記畧云渾源

州七里許有小邱神峪之水出其陽峪之泉以十數而
趵突爲最或者濬而堰之水旣合爲碾磨側置紙坊
池漚麻泉西引灌漑其利無窮流益遠利益大

乳泉出渾源州西二十里橫山嘴側南流入神溪一名西

神峪水

李峪水源出渾源州西南十五里李峪口西北流注於渾

河

凌雲口水出渾源州西南三十五里大小峪北注渾河

磁窰峽水導源恒山北麓西北流出磁窰口東西分流東

注於滄西注於渾河舊嘗引水入城今塞

鸞嶺關水出渾源州東四十里鸞嶺口西流逕沙坨坨又

西逕新莊又西南注於渾河

遠望峪水發源渾源州東南十里遠望峪出峪卽伏西至

顧冊村匯為澤又西流注於渾河自神溪水以下七水與崞川水合是為渾河所謂八水合而渾流也舊志以崞川渾河為二水似誤

五泉河發源天鎮縣南右所窰馬頭山南流至定安營會

倒回窩小廟溝金圪坨三泉折而東逕興隆堡與蝦墓

泉合南逕龍池堡會龍泉由顧家營鹽水皂屈曲而西

逕陽高縣之西坦坡大同縣康石莊復折而東逕天鎮

嘴兒圖又南注於桑乾大同縣康石莊渠溉田四十八頃五十一畝有奇與陽高縣西

坦坡天鎮縣定安營興隆堡張家窰城定堡顧家營鹹水皂嘴兒圖爭截擅利雍正七年定循次按時引溉法

石門溝水發源天鎮縣西三十里李堂山後東南流逕縣

南五十里又南逕嘴兒圖入桑乾河嘴兒圖村引以溉田

以上諸水皆於府境入桑乾

鴈門水自陽高縣雲門山北豐鎮界導源南流入守口堡

之開山口俗名守口河其在馬邑河西來注之東逕太

師莊南明英國公張懋田莊也又東逕織錦莊北逕迤

繞城而東逕柳林堡馬家莊紀家莊屈而南與白登河

會又東流逕樂玉堡入天鎮縣境又東逕蕭家屯下家

屯右得三沙河之水折而北逕十里舖主人亦名十里

河又東逕七里墩會諸泉於城西又東北逕城北之培

風堡左得車箱河水又東八里河北流注之又東逕石

佛寺李家寨石嘴墩蘭陵朱家二溝之水北流注之又
 東逕永嘉堡入直隸懷安縣李信屯界合西洋河入桑
 乾水經注鴈門水出鴈門山東南流逕高柳縣故城北
 又東南流逕叱嶮城又東南流屈而東北積而為潭敦
 水注之又東北入陽門山謂之陽門水與神泉合又東
 逕西伺道城北又東託台谷水注之又東逕大甯郡北
 一統志鴈門水源出陽高縣西北邊牆外東南流入陽
 高縣北又東流入天鎮縣界又東流入直隸宣化府懷
 安縣界一名南洋河

陽高縣開山居民取行水磨兼資灌溉天鎮縣永嘉堡南沙窰宣家圪塔各開小渠一道引水灌田四五十至七八十畝不等

敦水源出大同縣東北七十八里聚落山南俗名河兒頭

山海經少咸之山敦水出焉即此水也其水東北流逕
 陽高縣西南之王官屯南北沙嶺折而東逕河上堡以
 在古白登縣南亦名白登河又東注於鴈門水按水經
 注敦水導源少咸山南麓東流逕參合縣故城南敦水
 東又滋水注之出東阜下西北流逕和堆城北又北合
 敦水亂流東北注鴈門水少咸山疑即今聚落山參合
 故城當在陽高縣西滋水未詳又攷明史地理志陽和
 衛有鴈門山鴈門水出焉天城衛下則云南洋河在其
 北是合鴈門敦二水之名矣

陽高縣馬官屯小渠由大同縣引入至北徐屯止大

雨水漲
晴則涸

馬邑河自陽高縣西北山鑿石引出東流逕萬錦灘明張氏園圃資以灌溉所謂鑿石通渠也東注於守口河
三沙河發源天鎮縣東南筆峯五架石梯三山合而西流逕米薪山南孤峯山東歷季沙袁沙陸沙三河又西至宋家廠入南洋河縣志云古陽門山即城東南諸山陽門水即三沙河按水經注鴈門水東北入陽門山謂之陽門水是鴈門陽門並非二水可知如以三沙河為古之陽門水則水經注當云陽門水注之不當云鴈門水入陽門山謂之陽門水也故縣南迤東諸山謂即古之

陽門山則可以陽門水證今三沙河失之鑿矣
宋家廠引以溉

田

張家河在天鎮縣東二十五里導源黑龍背麻黃塆諸泉

北流逕朱家溝入南洋河

蘭陵溝水發源天鎮縣東南十里泉孔數十隨地沙出北

流入山溝注於南洋河

八里河在天鎮縣南八里故名有井出泉滙而東流乾隆

十五年北下衝城知縣張坊開百丈河導水復東會雙

成橋下水折而北入南洋河

天潮河源出天鎮縣南十三里楊家屯西北流滙七股泉

天又北入南洋河源南十三里湧泉在天鎮縣西南里許一名海子泉水泉出縣西南之

孫家園並北流逕縣城西又北注於南洋河

車箱河在培風堡西自縣北鄧家園玉泉發源或云隋置

玉泉驛以此得名無可證實西流逕霜神祠滙為池知

縣張坊開濬導入南洋河自七股泉以下諸泉居人並引溉園圃

延鄉水即今西洋河導源豐鎮廳東百八十五里山溝蒙

古謂之葫蘆速太其水繇七家營東北流逕高廟子東

石嘴俗名頭道河東流入天鎮縣之平遠水口西合南

邊石塘二水復折而東逕平遠堡十字河北流注之又

東逕西洋河堡南入直隸懷安縣境又東至柴溝堡西

北與東洋河合水經注延鄉水出延陵縣西山東逕延

陵縣故城北俗指謂之琦城川又東逕羅亭又東逕馬

城北又東注修水一統志延鄉水在天鎮縣西北邊牆

外一名西洋河宣化府志西洋河自天鎮縣平遠堡東

流逕西洋河堡自柴溝堡入東洋河即古延鄉水也

南邊口水源出豐鎮南灣東流入天鎮縣樺門山北逕瓦

窰溝滙石塘河以達於西洋河

石塘河出天鎮縣大梁山北北流逕瓦窰溝與南邊口水

合又東北注西洋河

託台谷水卽今姜前後屯河源出天鎮縣東南灰窰大人
二溝東逕姜前後屯又東流入直隸懷安縣逕水溝口
山折而北卽名水溝口河又東北至萬全縣境入洋河
水經注託台谷水上承神泉於葦壁北東逕陽門山南
託台谷謂之託台水東逕三會城南又東逕託台亭北
又東北逕馬頭亭北東北注鴈門水
十字河在天鎮縣東北六十里發源史家窰諸泉北流至
平遠堡入西洋河
于延水一名修水卽今東洋河也由察哈爾正黃旗五祿
戶灘發源南流逕一大山西俗亦呼爲大青山者又南

逕八戒窰黑土臺屈而東逕碾房窰謂之二道河又東
入直隸張家口葛河合流南至懷安縣柴溝堡西北滙
西洋河山海經梁渠之山修水出焉漢書地理志代郡
且如縣有于延水出塞外東至寧入沽魏書登國元年
帝自弩山遷幸牛川屯于延水南水經注于延水出塞
外柔元鎮西長川城南小山東南流逕且如縣故城南
卽修水也又東南逕馬城縣故城北俗謂是水爲河頭
又東逕零丁城南右合延鄉水又東南流大甯郡北右
注鴈門水自下通謂之于延水合數條考之柔元鎮長
川城近今正黃旗五祿戶灘且如近豐鎮東北馬城近

懷安零丁近萬全長川城南小山卽梁渠山後漢書永
初三年敗五原郡兵於高渠谷東觀記曰戰九原高梁
谷疑卽山海經所稱梁渠出也一統志云于延水在天
鎮縣北時豐鎮未設耳

壺流河明史作葫蘆河發源廣靈縣西三十里莎泉廣一
畝沸騰洶湧魏書地形志北靈邱郡莎泉縣以此得名
明一統志懷仁縣有莎泉後魏嘗以名縣是以南北沙
河爲古之莎泉不知沙河明季始出泉而莎泉之名已
見於北魏書水經注蓋誤證矣泉水東南流逕石梯嶺
北右得一水名石家泉東逕縣城南作疇河自左注之

又東枕頭河集興疇之水自右注之又東逕壺山下與
壺泉合卽豐水也二水滙流其形如壺故名壺流河又
東逕加斗村北又東流逕直隸蔚州北注順聖川以入
桑乾按水經注莎泉東南流入于滹今莎泉水入桑乾
地勢似別又攷水經注祁彝水出平舒縣東逕平舒縣
之故城南澤中其水控引衆泉以成一川東北流逕桑
乾故城東而北注於濕水疑壺流河卽古祁彝水非莎
泉也

豐水出廣靈縣東南一里平原山麓泉隨地湧出東旋
爲小池與莎泉合明史地理志縣東南有豐水卽葫蘆

河上源也省志云靈邱縣東南有豐水又云廣靈縣東南有豐水一作豐水蓋遼以後之廣陵縣本析靈邱與唐地置於北魏為莎泉縣屬北靈邱郡古今地界不同其實葫蘆河上源與今靈邱無涉猶唐書靈邱有直谷關今屬廣靈金史應州金城縣有復宿山今則隸山陰也

枕頭河源出廣靈縣南翟家疇東南流三里許直峪口之水名灑雨泉北流注之東入壺流河灑雨泉可溉田數十畝

作疇河在廣靈縣西十三里源出西山麓匯為池方尋丈許天將雨雪水輒湧漲東南流數里入壺流河

集興疇池在廣靈縣南七里水清湛冬夏不竭東注於壺

流河

以上諸水皆東至直隸境入桑乾河

滋水出渾源州南七里翠屏山東南麓東南流逕石溝堂金峯里與臨彛河合又東南逕湯頭灣暄谷之水自右注之又東逕靈邱縣西之蔡家峪又東逕東河南村北又東左得枚迴嶺之水又東逕縣城南又東逕門頭村南落水河北來注之又東南入隘門峽水逼仄為兩崖所束排扼逆轉騰躍奔奪而入又東南逕覺山東又東南逕直隸廣昌縣境又東入倒馬關注於澹河攷漢志

代郡靈邱縣涖河東至文安入河水經注涖水即溫彛之水也出靈邱縣西北高氏山其水東南流山上有石銘題言冀州北界又南逕候塘又東合溫泉水又東泉水注之又東逕靈邱縣故城南自縣南流入峽謂之隘門沿澗西轉逕御射臺南又南轉東屈逕北海王詳之石碣南又東逕嘉牙川倒馬關元和志蔚州靈邱縣嘔彛水一名涖水又曰涖水一名唐河蓋澹河三源翠屏山涖水鎗鋒嶺東嘔彛河湯頭舖溫泉匯為涖水經唐縣又為澹河水經注溫彛之水是涖水嘔彛河溫泉并稱矣

嘔彛河自渾源州東南五十里鎗鋒嶺發源東南流逕金峯里與涖水會下流為澹河周禮職方氏并州川曰滹沱嘔彛顏師古註嘔彛出平舒太平寰宇記嘔彛水出靈邱縣西北高氏山按平舒今渾源東境於靈邱為西北境高氏山即今翠屏山鎗鋒翠屏實連山也故通謂之高氏山尹耕曰嘔彛源靈邱西北謂出蔚高氏山下者非

涖泉出渾源州東南百里地名湯頭灣水似湯沐浴愈疾東流入於涖水經注涖水東合溫泉水水出西北暄谷其水溫熱若湯能愈百疾故世謂之溫泉焉按魏書興

光元年十二月至靈邱駐溫泉宮太和二年二月行幸代之溫泉三年二月上奉文明后幸代郡溫泉卽此水

也

滋水導源枚廻嶺之牛口峪東南流出靈邱縣西北口頭

村又南逕武家莊又南得黑龍谷水亦名黑龍河又東

南入於澗按明史地理志靈邱縣有枚廻嶺滋水出焉

廣靈縣西南有滋水而滋水之名不見於水經注其言

澗水也東合溫泉水又東泉水注之水導源莎泉南流

東南入於澗水疑莎泉卽滋水今黑龍河勢近之枚廻

嶺本界靈廣二縣之間故明史兩見而舊志所謂莎泉

者乃古神彘水今壺流河自入桑乾黑龍河自入澗與

酈道元說俱合舊志又云滋水有二一在蔚州西南三

十里南馬莊一在靈邱縣西南枚廻嶺懸流五丈湍激

之聲震動山谷未詳孰是姑識之以俟通知水學者

落水河自靈邱縣東北五十里塔地村西流逕義泉嶺南

西南逕白家嘴又南逕縣東十五里落水河村又南逕

孤山村門頭村又南注於澗水

馬跑泉出靈邱縣南九十里土人傳楊延朗跡北流注於

澗水

以上諸水皆匯澗水東南流至直隸易州界入易水

不歸桑乾河

舊志又載白道泉在府城北灰泉在懷仁縣東二十

五里脉通黑河邊外燒荒草灰自泉湧出元大德乙

巳夏懷仁地裂二所湧黑水漂出松柏朽木即此泉

西也鎮子海在懷仁縣東南十五里高鎮子堡周四十

五里今涸聖水泉一在懷仁縣東南二十里海子村

北禱雨輒應一在應州東三十里南北沙河一在懷

仁縣南郭外一在北郭外明季始出泉泥河在懷仁

縣南十里有涓泉南流多淤泥鴛鴦河在懷仁縣南

二十五里二水交匯故名神泉在懷仁縣北四十里

泉二眼水甚甘冽沙家泉在山陰縣北四十里一泉

三眼亦名神泉寒潭在山陰縣南三十里潭形似甕

蓄水成法馬跑泉在應州南四十里馱水在靈邱縣

南十里白龍池在靈邱縣西北三十餘里白馬泉在

靈邱縣西北四十里相傳漢文帝為代王時經此乏

水帝禱之有馬跑地得泉雅兒滙在廣靈縣西南四

十里暑月有冰龍泉在陽高縣南四十里石洞連龕

水自西縈繞焉溫泉在天鎮縣東南三里屯北煖泉

在天鎮縣東北二十里俱嚴冬不冰

谷天越嶺東北三十里野溝冬不水
 木自西榮熱水泉至天與縣東南三里其泉
 十里魯民有水泉至靈壽縣南四十里谷威縣
 水自縣之西黑龍山泉至靈壽縣西南四
 靈壽縣西四十里黑龍山泉至靈壽縣西
 南十里白龍山泉至靈壽縣西三十里白龍泉
 若水泉至靈壽縣西四十里黑龍山泉至
 靈壽縣西四十里黑龍山泉至靈壽縣西
 大同府志卷之四終

大同府志卷之五

形勝

大同府知府吳輔宏纂輯

唐一行之言曰北紀山河之曲為晉代負險用武之國
 也上遡秦漢以來靡弗埋谷塹山築亭起障迨於有明
 尤稱重鎮焉我

國家疆輿式廓六合同軌蒙古駐牧舊壤近皆設官建邑
 輒制同腹裏幾無中外藩籬之限古者在國曰固在野曰
 險蕭相國具知天下阨塞馬伏波聚米為山谷指畫形
 勢蓋所以固封疆鞏垣翰完要塞謹關梁塞蹊徑胥恃

乎此間嘗南臨勾注北過沮洳西眺朔野東瞻代谷莅斯土者思以拱翼

神京而屏秦晉其無忘司險之意乎志形勝曰固古役曰

管子曰恒山北臨代南俯趙東接河海之間皆謂官數月

趙簡子告諸子曰吾藏寶符於常山上先得者賞毋恤還

曰已得符矣從常山上臨代代可取也

趙武靈王謂公子成曰吾國東有河薄洛之水與齊中山

共之自常山以至代上黨東有燕東部之境而西有樓

煩秦韓之邊

蘇厲為齊遺趙王書曰秦以三郡攻王之上黨羊腸之西

勾注之南非王去已踰勾注斬常山而守之三百里而

通於燕代

蘇秦說燕文侯曰燕之所以不被甲兵以趙之蔽其南也

秦欲攻燕踰雲中九原過代上谷彌地數千里說趙

肅侯曰山東之國莫彊於趙西有常山南有河漳東有

清河北有燕國

張儀說楚懷王曰秦地半天下兵敵四國席卷常山之險

必折天下之脊索隱曰常山於天下在北有若人之背

脊

漢高帝十一年詔曰代地居常山之北邊趙乃從山南有

大同府志 卷之五 形勝 二

之遠頗取山南太原之地益屬代代之雲中以西為雲
中郡

北魏僕射源懷議視恒代諸鎮左右要害之地皆量其高
下揣其厚薄築城置戍

唐杜佑曰并州左右山河古稱重鎮

起居舍人盛度言自秦築長城西起臨洮東至遼陽延袤

萬里有郡有軍有守捉襟帶相屬烽火相望其為形勢

備禦之道至矣

明總督余子俊曰大同中路西至偏頭關六百餘里地勢

平坦無險可據不可忽之

總督許論曰高山聚樂二城堡蓋在鎮城兩腋間募軍分

駐則按伏之費省犄角之勢成

巡撫蔡天祐曰宏賜五堡為雲中腹背之地北逼沙漠南

翼鎮城東巨陽和西連左衛三面開耕一面控禦

又曰大同西路起了角山歷中北二路東抵陽河鎮口臺

六百四十里險在外所謂極邊也

又曰宣大山西外

邊地有平險路有迂直合而言之則大同最稱難守分

而言之則大同之最難守者北路也

又曰陽和天城
山口深曲岡崖擁隔
總督楊博疏曰內外通達有磁窑口林關口唐山口直峪

口紅沙坡口石門峪口大檀口北口柳河口九宮口永寧口松子口三間口共十三口俱係沿邊緊要磁審口內有銀釵驛馬嶺石門峪口內有鎗頭嶺北口內有黑石嶺四口雖係內口亦爲要害

都御史劉臬曰鴈門平刑盤道梁爲扼塞由鴈門東顧則平刑西顧則盤道梁介乎東者則水峪湖峪馬蘭茹越小石大石太安圍城凌雲葫蘆焉介乎西者則太和白草八岔小蓮夾柳燕水雕窩元岡焉是所名十八隘也都御史孫繼臯疏曰自右衛雙溝墩至東陽河鎮口臺爲大同長邊自了角山至雙溝爲大同緊邊

范濟曰大同宣府乃京師之藩垣邊徼之門戶

舊志曰懷仁黃花聳其前三臺擁其後東映鎮海西噓峪

口山陰九嶺拱圍二河吞納東西長川坦然平濶

應州茹越屏其南桑乾帶其北龍首雄峙於左鴈門拱

障於右渾源居并代之間臨絕塞之地八山旋而環

繞三水合而匯流靈邱臂聯雲朔吭扼鴈門萬山環

繞澹水旋折咫尺邊陲爲紫荆門戶廣靈北枕桑乾

南控太白西接鸞嶺東距洪渡中帶壺流地居恒代之

衝壤連趙燕之界陽和天城之於保安如人有衣裘

大形體於是乎蔽

大同府

關隘邊牆邊堡
分列各屬下

大同縣

附郭

府界長城東自直隸宣化府懷安縣邊界李信屯起西至

府境天鎮縣緣邊東陽河堡界二十三里新平堡界一

十三里天城界七十二里西至陽高縣緣邊陽和界四

十里靖魯堡界二十七里西至大同縣緣邊鎮邊堡界

二十五里得勝堡界二十二里鎮魯堡界二十九里鎮

河堡界二十一里西至朔平府左雲縣拒門堡邊界共

沿邊長二百九十四里皆明時築

縣界長城東起鎮川堡西至拒牆堡

鎮邊堡城北少東八十里洞子溝稍西地名南車房現設

官兵防守

鎮川堡城東北五十里水頭稍東現設官兵防守

宏賜堡一名紅寺城北六十里北直邊外葫蘆海現設官

兵防守

鎮魯堡城西北五十里地名護保村北有張布袋紅土等

溝

鎮河堡城西北四十里沙河南地名好女村北拒河險東

與護保等處聯絡以上五堡明嘉靖十八年築

拒牆堡城北少西八十里彌陀山南現設官兵防守

鎮羌堡城北八十三里北對三山焦山現設官兵防守以
 上二堡明嘉靖二十四年築在垣外重垣之內又有拒
 敵門助馬二堡今隸朔平府界所謂塞外四堡也
 聚落堡城東六十里現設官兵防守明天順二年以鎮城
 孤峙旁無輔衛乃東城聚落西城高山為左右兩翼高
 山今隸朔平府

得勝堡城北八十里口外即豐鎮界現設得勝路官兵防
 守

平山絕頂宏賜堡東南十五里五堡分中處一山特起絕
 頂為平地升巔四望五堡俱在目中明時創一小堡於

其上名曰會遠中設公館以為發兵之地

牛皮關城東六十里牛皮嶺下嶺盤踞十里北連採掠山

南連土坡山現設汛兵防守

東奕峪城西南四十里

煤峪口城西十里

石佛寺口城西三十里左雲縣界

黑峪口城西四十里

營盤溝城北七里即陰山道現設汛兵防守

野狐嶺城北二十六里現設汛兵防守

孤山灣城北四十里通得勝鎮川要路現設汛兵防守大

開山口城東北四十里東通陽高縣自北而西有小石大
石二口又折而南有黑峪尖峪二口

營懷仁縣

大峪口縣西南四十里山路甚廣可行車南通雁門關西
連左雲右玉諸城堡現設汛兵防守通志懷仁之大峪
口左雲之紅羊峪形勢相連脊四峰山阻隘也

小峪口縣西南二十里大峪口東上有張萬戶洞最峻險
偏嶺口縣西南五十里北有大峪小峪蘆子鵝毛四口
鵝毛口縣西北十五里西通左雲右玉十里其數對峙山
四老口縣西北四十里東連七峯山其文岫

鵝毛口縣西北三十里

陳家峪口縣西北二十里宋將楊業敗處

馬什嶺口小磨口並在縣西十五里

吳道口縣西二十里

炭嶺口縣西二十五里

蘆子口縣西南十五里蘆子山口其間有制制小山門制

紅山峪口縣西南三十五里牙余山南數升嶽大亦口

山陰縣

大干口在黃花嶺西縣北

水峪口在縣西南通代州南山大小十餘口

榆林口縣南三十里沙家寺南白泥河發源於此
岱岳鎮縣北三十里現設官兵防守

應州

黃沙口州東南六十里北接牛槽峪南通代州大石口

茹越口州南四十里西接湖峪口其間有時峪小山門峪

龍灣峪箭杆峪明樞峪狼峪神堂峪水峪馬峪東安峪

西安峪十一口現設官兵防守

北樓口州東南四十里南通繁峙縣朗嶺關東有黃沙徐

峪康峪三口西有牛槽大石小石三口現設官兵防守

一作碑樓口元史應州金城縣東設碑樓口千戶所

湖峪口州西南六十里現設官兵防守

勾注陁在州西南代州界南山之北與龍首山相望

黃花岡州西四十里橫互聯絡跨大同懷仁山陰三縣境

護駕岡州南三十里

趙霸岡州東二十五里南北橫臥右腋下即渾河以上為

三岡

安邊鎮州東二十里

大羅鎮州南四十里

司馬鎮州西十五里

神武鎮州北四十里以上為四鎮

渾源州北四十里西至靈邱四險

磁窑口關州西南十七里恒山右脇路通靈邱現設汛兵

大防守州南四十里

磁窑峽口州南十里上有磁窑天險四大字峽口西南三

十里有西峽

鸞嶺口關州東四十里恒山左脇路通廣靈現設汛兵防

守

大塞頭關州東南一百一十里東南連平刑關

李峪口州西南十五里南通應州北樓口

大小凌雲口一名小峪城在州西南二十五里南通北樓

口

獨爐寨石板寨在西南峯上

搶風嶺在青磁窑峽南南連孫臏山西北連恒山現設汛

兵防守

孫臏寨在南山南上西去數里有龐涓寨

靈邱縣

東河南村寨縣西南三十里太白西壁野窩嶺兩山虎踞

中界塘河西拒渾源外邊南引鐵嶺倒馬北控蔚州山

徑叢雜馳騁為難現設官兵防守

鵝毛嶺縣南七十里路多叢雜

大司馬志 卷之五 形勝
隘門山一名石門口縣東南二十里壁立直上徑最險隘
漕河經行其下路通廣靈廣昌舊名隘口關相傳宋楊
延則嘗守此
鎗嶽嶺縣東二十里石磴直上千仞鑿壁數十盤蟻附而
登石齒俱斧鋸痕壤界蔚州廣昌

義泉嶺縣北三十九里山勢少拓一嶺當關爲廣靈蔚州
孔道

崕道山一名二道峽在縣東北二十里奇險過隘門兩峭
壁笏立數千尋山樹糾結溪路濶數尺裁容騎暑月驟
雨暴漲亂石蜚轉而下人不敢行

直谷關唐靈邱縣有直谷關今名直谷口隸廣靈縣其北
有孔嶺關有大安鎮五代史晉王將出師謂諸將曰高
思繼兄弟在孔嶺關有兵三千此後患也

三山縣東二十五里前有三山堡地多渠壑路徑繁雜偶
過者不易辨

水南寨縣西南五十里高四丈餘北有河水寨
順城寨縣南一百里高五里峭壁如城

廣靈縣

前谷口縣南十五里靈邱要路兩崖壁立一徑幽杳泉自
南來或滙或流行人蟻銜走澗中今改道峪左名紅沙

坡天險峻絕山上有古長城址中今如鼓洲式各塚
 林關峪口縣西南四十里林管山路通靈邱東臨絕澗西
 依危崖谷深林密六郎城遺址存上有勤翰寨峪口東
 三十里有直峪口又東十餘里有唐山口及樺澗嶺火
 燒嶺二口俱險峻

樺澗嶺口縣東北四十里路通西城山險徑狹馬不並馳
 一名樺欄嶺三里前有二山並峙多果壑深野
 火燒嶺口縣西北六十里路殊寬坦嶺脊砌石為邊延袤
 數十餘丈踰墻為天鎮境徑復險隘
 夾石溝縣北四十里大山之西山在縣北三十里礪道

躋峻而不險至嶺巔差廣復聳一山為平原塙北瞰陽
 和塞南望太白峯道通天鎮陽高折西為夾石溝磴道
 狹曲乃北界之屏障也

石梯嶺縣西二十里渾源要路設兵防守
 鐵裹腰封寨在加斗山峭巖壁立狀若鐵裹中有懸橋
 觀音寨在白羊山上
 峩峪寨上巖壁立下跨深澗巖畔突出一峯居民懸橋而

渡

陽高縣

長城東起鎮門堡西至鎮宏堡新界石墩

鎮門堡縣東北二十里北至邊牆半里即鐵裏門現設官
 兵防守左右有鎮門東西墩鎮門西為小鶉鴿峪口石
 人口鎮門東為大鶉鴿峪口雕窩崖不懣溝門南為扒
 兒口上嶺堡立不似刺刺刺刺尖出一峯狀如雞冠
 白坨峪小口一名鶉鴿峪在縣東北十五里明嘉靖間王
 邦直率兵遠出塞外抵鶉鴿峪即此又東十五里為白
 坨峪大口二十里戰戰要領

虎峪口縣東北二十里

守口堡縣北少西二十里東接鎮門堡西接靖魯堡北至
 邊牆有馬市樓外有清涼嶺風洞虎兒山東北有猴兒

山現設官兵防守

和前口在縣西北十五里口之東北二十里有將軍口

又東二十里為陽和後口以上諸口俱附雲門山麓

魯堡縣西北長塹內明嘉靖二十二年築現設汛兵防

守明史大同邊垣自東陽和鎮口臺起至開山口為東

路自靖魯堡起至了角山為北路西路

白登山縣東南二十五里現設汛兵防守

高柳塞縣北十里為今開山口擗風崖迤北地即唐青坡
 道蓋所以東應帷臺嶺北偵威寧海彈翰山而西控平

城縣之平原曠野也

開山口一名墨谷口金元帥奧屯襄出軍於此元史作密谷口現設汛兵防守

樞密寨在西山迤南峯巒突兀巔有石洞援鐵繩而上

天鎮縣東南二十五里

長城東起東界牌墩西至駱駝巖墩

東陽河堡東接直隸西陽河界李信屯大同東路山北東

陽河橫直邊墻二十八里接連宣府西路之西陽河係

一曠之地其去大同東路山南之天城陽和則隔高山

六七十里或百二三十里險仄難行

新平堡縣東北六十里西北皆至邊墻古為榆林縣地隸

集寧郡後蒙古駐牧明嘉靖十五年都督周尙文修邊

一道地入版圖堡西北有馬市口西南有南口俱外接

豐鎮界現設新平路官兵防守

保平堡縣北六十里在新平堡西南

平遠堡在新平堡東南至縣六十七里西北有平遠口

樺門堡縣北四十里以上四堡在長城之外重城之內所

謂城外四堡也

長勝堡縣北六十里明永樂元年築

張仲溝李兒溝長城由迤西折迤西南又由迤西南折迤

西至張仲溝又迤西為李兒溝

枳兒嶺縣東三十里接直隸宣化府懷安縣驛路兩縣交界處中立石限土分二色現設頭梁二梁汛兵防守
 大梁縣東北四十里懸崖峭壁高數百丈險埒鴈門冬多積雪係通新平要路現設官兵防守

瓦窰口縣東北三十里東北皆至邊牆現設官兵防守
 鎮寧堡縣北二十里明嘉靖四十四年築左近滅虎白羊
 二口極衝又北三十里有薰窰口

白羊口一作白楊在縣北少西三十里又西為榆林口以
 上三口俱在城翠山南麓

甄磨口縣西北二十里北對邊牆外滅虎墩即滅虎口也

水磨口縣西北三十里榆林口西其南為鎮口堡邊牆自
 水磨口而西北踰山至馬頭兒地又渡溝而北接直隸
 西陽河界之鎮口臺

六稜山縣南一百二十里桑乾河之南山勢雄峻惟火燒
 嶺一路通席靈

小盤道山縣南五十里兩山對峙道狹而屈曲如羊腸坂
 為廣蔚西城大道

米薪關縣南二十里關南有米薪山
 豐鎮廳

外塞在大邊外形如偃月東西皆附於舊塞明嘉靖二十

八年築今廢址尙存周經重修大邊記大同於九十里外築小城曰小邊又於百里外築大城曰大邊

平頂大山廳治東北一百二十里北連桃花彩雲二嶺迤東通張臯兒包家營高廟子各村直達張家口西南至

集賢莊二十里中有峻嶺深溝嶮巖泥濘頗稱緊要保全莊廳治西少北二十里窪下積水泥濘難行東南接

六畱雲密西通寧遠廳界現設汛兵防守三祝密廳治北二十里南通湧月灣北連察哈爾正紅旗

界平沙曠野蒙民雜處惟新城河一道流出兩山間遠北而東而南可稱天險

四美莊廳治東北八十里地勢平坦無險可據額設官兵

駐防又北爲隆盛平裕二莊皆與察哈爾南界毗連設兵防守

十八兒台東南距廳治三十里在白牙义山北麓又北爲大壩山西通寧遠踰大壩而北爲正紅旗界

東山巖廳治東六十里南北橫列如屏北連八楞山山左爲拱照村右爲樂成莊俱設汛兵防守

高廟子西南距廳治二百里東通張家口北有二道河又北有大青山又西北有黑山子中有哈拉溝一道路通

正黃旗界現設豐川營官兵防守

三台道廳治南七里高坡叢石路徑險仄中通山溝一道
為得勝口出入要路現設汛兵防守

望城坡在得勝口外北距廳治一十六里與三台道山橫
互聯絡足為內地屏障

威寧口省志云在陽高縣西北七十里今當屬廳界雲中
古志威寧海在大同城西二百二十里其繞北而東者

乃其發源也

貓兒莊省志云在陽高縣北一百里其北二十里有口子

牆以今考之當在四美莊大莊科之間

八墩口在鎮川口外西為十九山毗連邊牆

石八口在鎮川口外少東今名大

八

大同府志卷之五終

大同府志

卷之五形勝

七

大同嶽志卷之五

大... 路... 設... 防...



... 路... 設... 防...

... 路... 設... 防...

... 路... 設... 防...

... 路... 設... 防...

... 路... 設... 防...

... 路... 設... 防...

... 路... 設... 防...

... 路... 設... 防...

... 路... 設... 防...

... 路... 設... 防...

... 路... 設... 防...

... 路... 設... 防...

... 路... 設... 防...

... 路... 設... 防...

... 路... 設... 防...

... 路... 設... 防...

... 路... 設... 防...

